

兩江疏草

總督江南江西等處地方軍務兼理糧餉操江兵部尚書兼都察院右都御史臣董訥



工集

題銷奇兵營修完沙唬船工料

題爲請修營船急濟差防事據奇兵營遊擊王國臣詳稱案奉前任總督王部院牌開康熙二十五年九月初七日准工部咨前事內開都水清吏司案呈奉本部送工科抄出該本部等部會覆江南江西總督王新命題前事等因康熙二

十五年六月十九日題七月初八日奉

旨該部知道欽此欽遵於七月初九日抄出到部查得先經江南江西總督王新命將奇兵營唬船二十三隻於康熙十九年小修迄今五載應行估計修造共該銀八百五十兩一錢零等因具題工部以前船於康熙二十年五月內具題准其小修今該督稱十九年小修已及五載請修造不合應行該督取具開報各官職名具題到日將該督一併議處等因具題行文在案查定例內凡將不應修理船隻限前混行申詳修理

知府州縣都司守備千總把總均降二級調用將轉報司道副將叅將遊擊降一級調用具題之督撫提鎮各罰俸一年等語該臣等會議得江南江西總督王新命疏稱奇兵營唬船二十三隻部覆於康熙二十年五月內具題准修今稱十九年小修已及五載不合取開報官職名具題等因臣查此項船隻前督臣阿席熙具題部覆准修雖在康熙二十年五月實於十九年內預請估修故仍稱十九年小修等語所有開報之遊擊王國臣等開列職名具題前來查此

內江疏直 卷之二 工集 三 修船 工料  
號船二十三隻今已五載相應准其修造所需  
銀兩於該營朋銀內動用工完造冊題銷之日  
聽工部查核至先將未及修期之船混請修理  
其守備邵龍千總黃養如王國賓把總劉一標  
王大進楊奇均應照例降二級調用但千把總  
無二級可降相應革職守備員缺另推其開報  
遊擊王國臣江寧府同知薛晉亦照此例應降  
二級調用查王國臣有軍功紀錄五次應銷去  
軍功二次薛晉有加三級應銷去二級抵各降  
二級免其調用總督王新命照例罰俸一年可

也等因康熙二十五年八月初九日題本月十  
一日奉

旨王新命著罰俸一年餘依議欽此欽遵抄出到部  
移咨到前部院備行到職奉此隨該卑職差員  
前赴安徽布政司支領朋銀辦料鳩工嚴督僱  
修於本年二三等月完工得水其經修千把各  
官屢以船身朽壞修費浩繁原估銀兩實不敷  
用卑職因念各船工料俱係估計

題明不敢以多用妄行開造致干駁詰祇遵當日  
原估價值造冊現在伏候核明

題銷等因到臣據此該臣看得奇兵營修造唬船  
三十三隻所需工料經前督臣王新命核明具  
題部覆准其修造在案今據該營遊擊王國臣詳  
報各船俱已修完并將用過工料銀數造冊前  
來臣查此案船隻原估工料共銀八百五十兩  
一錢零冊開數目核算俱已相符並無浮溢除  
冊咨送工部查核外臣謹具

題伏乞

皇上睿鑒勅部核銷施行

題銷南湖營拆造沙唬船隻工料

題爲沙唬船隻朽爛不堪亟請修理以濟差防事  
案查康熙二十六年三月二十四日准工部咨  
開都木清吏司案呈奉本部送工科抄出該本  
部覆江南江西總督王新命題前事等因康熙  
二十六年二月初三日題本月十九日奉

旨該部知道欽此欽遵於二月二十日抄出到部查  
得先經江南江西總督王新命將江西南湖營  
拆造沙唬船三十一隻共用銀三千二百二十  
兩五錢等因具題請銷臣部以康熙元年初造

沙船每隻用銀一百三十兩至一百四十三兩  
一錢零唬船每隻用銀二十七兩四錢至五十  
七兩二錢零今拆造沙船每隻反用銀一百八  
十六兩八錢至一百九十五兩四錢零唬船每  
隻用銀六十三兩四錢至一百一十三兩零甚  
屬浮多應行該督嚴加核減具題去後續據該  
督疏稱疊奉嚴駁只得勉遵共減銀六百二十  
七兩五錢四分零實動朋銀二千五百九十二  
兩九錢五分零等因具題臣部查所用銀兩雖  
經核減比康熙元年初造價值尙屬浮多仍行

該督核減具題到日再議等因具題行文在案  
該臣等查得江南江西總督王新命疏稱江西  
南湖水師營拆造沙唬船隻一案所用銀兩疊  
奉部駁只得勉遵元年價值又減銀八百二十  
一兩一錢零連前減六百二十七兩五錢零通  
共減銀一千四百四十八兩六錢零實動朋銀  
一千七百七十一兩八錢零等因前來查南湖  
營沙唬船三十一隻修理工價該督雖二次共  
減銀一千四百四十八兩六錢零此船係舊船  
拆卸修理之船用過價值仍照新造船隻價值

題銷不便准銷仍行該督再加核減具題到日再議可也康熙二十六年三月初三日題本月初五日奉

旨依議欽此欽遵抄出到部移咨到前督臣王新命檄行九江營遵照再加核減迨臣抵任之後催據該副將王昶回稱將各船板片釘鉤共估減價銀八十八兩九錢零臣因爲數尙多隨經批駁詳查增估確減去後復據該副將回稱又在板片釘鉤估計燒柴估銷鐵斤之中增估共減價銀四十兩一錢三分零臣查此案拆造沙唬

船隻報銷工料價值旣經部駁係舊船拆卸修理不准仍照新造價值報銷臣又復行批駁核減而該副將惟以舊船板片釘鉤先後增估共減價銀一百二十九兩零但舊船拆卸寧無堪用板片桅椽豈盡作燒柴變價釘鉤雖云銹爛斷不止於半銷其冊開各項價值仍屬浮多又經嚴駁再加據實核減另冊詳報去後并將該副將王昶遲玩情由具疏

題叅在案今催據該副將回稱奉此該卑職卽便差併南湖營守備張文廣呈將冊造船隻用過

工料銀兩遵照院駁欵項痛加核減據實詳報  
又經嚴駁去後今於十月十五日催據該備回  
稱該卑職奉檄領銀拆造船隻報銷用過工料  
等項價銀三千二百二十兩五錢件件俱係實  
用分釐原屬確估况係先奉前任總督于部院  
核定

題准拆船應需撥給之價前兩奉部駁比照元年  
初造價值造報卑職勉遵先後共痛減銀一千  
四百四十八兩六錢八分五釐繼奉部駁船係  
拆卸修理不准仍照新造卑職疊奉院駁先後

二次共又痛減銀一百二十九兩八分六釐卑  
職雖係一介螻蟻下弁亦身受

朝廷爵祿安敢罔顧

功令而致干冒破之重戾耶無如在先詳請之初  
雖已將各本船舊梁頭銹釘除計但其時尙有  
堪以改造奏用者逮卑職興工拆造之時越逾  
數載且船隻俱係久經拖擱江干并沉溺水中  
者板木銹釘年朽一年日腐一日俱屬成灰成  
土今屆各雖拆造實乃鼎新至於爛板估計燒  
柴釘錮形骨銷爲鐵斤無非勉遵駁減將無作

有以朽作新仰副核減之令今又奉嚴駁卑職  
泣思前之核減銀兩分釐悉屬痛肉如針不識  
寒、員未弁將來粉身剝骨得能賠償今又何堪  
再減無如院檄森嚴卑職安敢少抗只得勉遵  
仍將各本船朽料爛釘舊繩造用外開報新用  
等項工料價值遵照院駁欵項又痛減銀二百  
一十五兩四錢七分五釐今次共減銀三百四  
十四兩五錢六分一釐連前減銀一千四百四  
十八兩六錢八分五釐通共核減銀一千七百  
九十三兩二錢四分六釐實動用朋銀一千四

百二十七兩二錢五分四釐造冊呈懇轉詳

題銷等情據此該卑職查看得南湖水師營拆造  
沙唬船隻一案其該營尙未屬卑營管轄之時  
也於康熙二十二年三月內奉前任總督于部  
院原江西許提督疊次核減估計具

題請動朋銀三千二百二十兩五錢拆造修理造  
冊

題銷去後迨於二十四年四月內至二十五年八  
月內兩奉部駁嚴加核減符照元年初造之例  
等因案經守備張文廣前任副將楊勝護理九



江營副將事都司僉書劉應龍不次核減共銀一千四百四十八兩六錢八分五釐以符元年初造之例造冊詳請

題銷去後於二十六年四月初七日卑職遵奉院駁就經行令南湖營守備張文廣遵照部文再加核減據實造報去後無如該備疊稱委無浮多萬難再加核減等語前來致經一駁再駁一催再催始據該備造報核減銀八十八兩九錢四分八釐到職據此旋經詳報本部院當蒙批駁爲數尙少責令確加增估另冊詳報等因隨

該卑職又經勒令該備遵照院駁確加增估造冊詳報去後催據該備造報又增減銀四十兩一錢三分八釐到職據此隨經據冊詳報本部院遵奉嚴檄捧讀兢兢不勝寒慄茲查今次三奉駁減共銀三百四十四兩五錢六分一釐連先減銀一千四百四十八兩六錢八分五釐合共核減銀一千七百九十三兩二錢四分六釐實動用朋銀一千四百二十七兩二錢五分四釐造冊詳報到職據此合無詳請本部院具題等因到臣據此該臣看得江西南湖水師營拆

造沙唬船隻一案前督臣王新命任內准工部  
咨覆此係舊船拆卸修理用過價值仍照新造  
船隻題銷不便准銷仍行再加核減具題等因  
臣抵任後兩經批檄嚴駁確減并將副將王和  
遲玩情由具疏

題叅在案今催據副將王和回稱此案原經前督  
臣于成龍原任江西提督臣許貞疊次核減估  
計

題請動朋銀三千二百二十兩五錢拆卸修理迨  
後造冊

題銷兩奉部駁核減銀一千四百四十八兩六錢  
八分五釐復經臣批駁核減銀一百二十九兩  
八分六釐茲又批檄嚴駁核減銀二百一十五  
兩四錢七分五釐臣共駁減銀三百四十四兩  
五錢六分一釐連前合共核減銀一千七百九  
十三兩二錢四分六釐實動用朋銀一千四百  
二十七兩二錢五分四釐造冊詳報前來除冊  
咨送工部查核外臣謹具

題伏乞

皇上睿鑒勅部議覆施行

題銷崇明沙船大小修工料銀兩

題爲戰船壞朽已極急請速賜

題修以資勦禦以固邊疆事據署江蘇布政司事  
江常鎮道叅議劉梅詳稱奉總督董部院牌開  
康熙二十六年九月二十四日准工部密咨內  
開捧接

御前發下紅本內江南江西總督董訥密題前事等  
因康熙二十六年八月初十日題本月二十九  
日奉

旨楊振藻等着議處具奏該部知道欽此欽遵密封

到部查得江督董訥疏稱崇明沙船五十一隻核減工料銀兩一案臣莅任檄催不啻再三今例限二月計又逾期十七日仍無確冊詳覆查冊報遲延者則係署蘇州府海防同知事常熟縣知縣楊振藻不行依限嚴催詳報者則係江蘇布政使劉鼎相應指叅以聽部議等因前來應將冊報遲延之署蘇州府海防同知事常熟縣知縣楊振藻及不依限嚴催之布政使劉鼎一併交與吏部照例議處其修船工料銀兩仍行該督嚴加核減作速具題可也等因呈堂奉

批照行送司奉此相應移咨查照等因准此仰司即將此案修船工料銀兩嚴加核減作速造具確冊詳報以憑核奪會

題請銷母任再延及仍前浮冒煩駁未便立速立速等因到司奉此案查先於本年二月二十三日奉前任總督王部院牌開康熙二十六年二月十六日准工部密咨內開都水清吏司案呈奉本部送捧接

御前發下紅本內該本部密覆江南江西總督王新命密題前事等因康熙二十五年十二月初六

日題康熙二十六年正月二十三日奉

旨該部知道欽此欽遵於正月二十三日密封到部

查得先經江南江西總督王新命將修理崇明沙船五十一隻用過工料銀一萬五千四百九十二兩八錢零具題請銷臣部以所買物料價值雖與薩弼圖之例相符而所用物料浮多船隻長濶丈尺相同而薩弼圖大修沙船每隻用銀二百八十兩零今該督大修沙船每隻用銀二百九十兩零以至三百一十兩零不等又小修沙船八隻俱與大修船隻一樣價值多用應

行該督嚴加核減去後續據該督疏稱復減銀七百八十六兩八錢零實請銷銀一萬四千七百五兩零等因臣部以用過杉木等木煤灰油麻匠工等項仍比薩弼圖所用數目浮多至小修沙船八隻價銀比蘇赫臣京口小修沙船甚屬浮多應俱行該督逐一嚴加核減具題到日再議等因具題行文在案該臣等查得江南江西總督王新命疏稱修理崇明沙船五十一隻用過工料銀兩經臣具題請銷部覆用過數目浮多應行逐一嚴加核減等因今於萬無可減

之中減銀五百五十兩六錢零實請銷銀一萬四千一百五十五兩三錢零等因前來查冊開大修船隻用過物料銀兩較薩弼圖所用數目船內尚有多銀六七八兩不等至小修船八隻雖經該督核減較蘇赫臣京口小修沙船數內尚有多銀三十四十五兩不等尚屬浮多其浮多銀兩應行該督逐一照例據實核減具題到日再議可也康熙二十六年正月二十七日題本月二十九日奉

旨依議欽此欽遵密封到部移咨到部院備行到司奉此當經前司備行蘇防廳飭令將崇明沙船工料照依薩蘇二部員監修價值核減去後催據該廳詳稱京口小修船隻查部員監修價值原冊並未另換桅錨所以止估銀一百九十餘兩則此案沙船大頭桅木大二鐵錨悉皆置備在船估冊開載甚明豈能比照京口之船一例刪減今將所修八船原備桅錨料價在於原估銀內應扣銷算外復又各船共再減銀一百兩零五錢合算則與蘇部員監修工料之數已同其各府大修各船共用銀一百二十七兩二項

共減銀二百二十七兩五錢實請銷銀一萬三千九百二十七兩八錢七釐八毫五絲造冊呈送前來并將核減銀兩呈請援

赦銷結等因前司據冊轉詳本部院奉批此案工料部駁令照薩蘇二部員監修價值一例減報今查冊開大修船隻每船比薩部員多用一二兩不等小修每船比蘇部員多開二三十兩不等該司竟不遵照核減今始據詳塞責復敢混援赦款請銷深屬玩忽仰速勒令從實照例減報如再朦混刻延定將該司怠玩職名先行指叅矣此

繳冊并發等因奉此前司行據蘇防廳覆稱小修八船比時興修各船俱用桅木鐵錨大器難照蘇部員監修京口小修不換桅錨之船一例核減是以在於原估價內扣除餘多之銀悉又刪減無浮今遵奉刪減大修各船多開銀一二兩不等查薩部員估修價值各船亦有開二百八十四五兩不等者今又嚴駁復於各船內再減則與薩部員價值寧減無浮等情并呈送減過工料冊前來前司覆核無異隨又據冊轉詳蒙批此案遲延職名已經本部院

題叅矣今冊開工料價值果否與薩蘇二部員價值相符仰再細加確核詳報會

題母再混延繳冊發回等因奉此又經飭行蘇防廳確核去後節次嚴催今據署蘇防廳常熟縣知縣詳稱遵將各船工料價值逐加查核實與薩蘇二部員價值相符萬難再減等情并送工料冊前來據此該本署司查得蘇州府海防同知與蘇松常鎮揚五府分修崇明水師沙船一案所需工料銀兩奉文核減先經行據署蘇防廳常熟縣知縣楊振藻詳送核明工料冊前來

當經覆核轉呈詳奉本部院批開大修船隻每船比薩部員多開一二兩不等小修每船比薩部員多開二三十兩不等批令照例減報等因又經行據蘇防廳詳稱復於各船內再減與薩部員價值寧減無浮等情并送工料冊前來前司又經據冊轉呈續奉批飭再加確核發冊到司遵又轉發該廳查核去後按日嚴催今據該廳詳稱各船工料實與薩蘇二部員價值相符萬難再減造送清冊前來因查大小修各船連前共減過銀二千一百九十七兩八錢九分三



釐九毫五絲見在嚴追俟各屬解到另報外實請銷銀一萬三千六百一十九兩三錢七釐八毫五絲委與部員監修價值相符已經覆算無訛相應據冊轉呈伏祈本部院具

題銷結等因到臣據此該臣看得修理崇明沙船五十一隻用過工料銀兩先經前督臣王新命具

題請銷部覆大修船隻較薩弼圖所用數目尚多銀六七八兩不等小修船隻較蘇赫臣船內尚多銀三四五十兩不等其浮多銀兩應行照例

核減具題等因當經前督臣王新命檄行江蘇布政司遵照去後及臣莅任復經催駁業將冊報遞廷之署蘇州府海防同知事常熟縣知縣楊振藻不依限嚴催詳報之江蘇布政使劉鼎各職名具疏

題叅部覆交與吏部議處其修船工料銀兩仍行核減具題等因又經臣檄行該司遵照造報續又節經催駁今據署江蘇布政司事江常鎮道叅議劉梅核減造冊詳覆前來臣查此案修船工料已經再四嚴加核減大修沙船照依薩弼

圖數目每隻用銀二百七十八兩零小修沙船  
照依蘇赫臣數目每隻用銀一百九十一兩零  
通共大小修沙船五十一隻連前共減過銀二  
千一百九十七兩八錢九分零實應請銷銀一  
萬三千六百一十九兩三錢零除冊送部查核  
外臣謹會同江寧撫臣田雯昭武將軍管江南  
提督事臣楊捷合詞密

題伏乞

皇上睿鑒勅部核銷施行

題覆估修狼鎮戰船工料

題爲戰船按年分修以實操防事案查康熙二十  
六年二月十一日准工部密咨內開都水清吏  
司案呈奉本部送捧接

御前發下紅本內該本部密覆江南江西總督王新  
命密題前事等因康熙二十五年十一月二十  
四日題十二月十一日奉

旨該部議奏欽此欽遵於十二月十一日密封到部  
該臣等查得江南江西總督王新命疏稱康熙  
二十三年京口撥發狼山鎮標沙船七隻滲漏

朽壞共估工料銀一千八百四十兩七錢零請部撥給錢糧修理等因前來查前項沙船七隻冊開係十九併二十二年修理與原冊查對長濶丈尺俱不相符應行該督查明具題到日再議可也康熙二十六年正月十七日題本月二十三日奉

旨依議欽此欽遵密封到部密咨前來隨經前督臣王新命檄行江蘇等六府欽遵查報在案及臣莅任又復行催今據署江寧府事管糧同知趙世顯蘇州府知府胡世威松江府知府朱雯常

州府知府祖進朝鎮江府知府王燕揚州府知府高承爵會詳內稱奉前部院牌行前事等因到府奉此遵查奉文估修狼山營沙船七隻所有船身長濶丈尺與原報不合奉部駁查第前次各府造報冊內丈尺皆係照依營汛底冊開造是以與原冊查對不符今經備查十九年陞任船政任同知以及二十二年江蘇松常鎮揚六府分修請

旨事案內修船各底冊逐一查明改正并原遵照蘇部員修船價共估工料銀一千八百四十兩七

錢五分三釐四絲造冊現在詳送院臺題

請撥給錢糧修理庶汛防有賴而各府均免遲悞之咎等因到臣據此該臣看得部駁狼鎮標營請修沙船七隻長濶丈尺與原冊不符一案經前督臣王新命檄行江蘇等六府欽遵查報去後及臣蒞任又復嚴催今據署江寧府事同知趙世顯等查明改正并照原估工料銀一千八百四十兩七錢五分零造冊詳請具

題撥給錢糧興修等因前來經臣覆核無異除冊送部查核外臣謹會同江寧撫臣田雯昭武將

軍管江南提督事臣楊捷合詞具疏密

題伏乞

皇上睿鑒勅部議覆施行

題銷京口戰船核減工料

題為請

旨事案於康熙二十六年九月二十四日准工部密  
咨內開捧接

御前發下紅本內江南江西總督董訥密題前事等  
因康熙二十六年八月初十日題本月二十九  
日奉

旨趙世顯等着議處具奏該部知道欽此欽遵密封  
到部查得江督董訥疏稱江蘇等六府分修京  
口七十四船用過工料銀兩一案部覆嚴加核

減舊料據實增估等因臣莅任以來嚴檄頻催今例限二月又逾十七日仍無確冊詳報遲延之咎不能爲署江寧府事管糧同知趙世顯蘇州府知府胡世威松江府知府朱雯常州府知府祖進朝鎮江府知府王燕揚州府知府高承爵寬也相應指叅以聽部議等因前來應將遲延之署江寧府事管糧同知趙世顯等六員交與吏部照例議處其修船工料銀兩仍行該督嚴加核減并將舊料據實增估作速具題可也等因呈堂奉批照行送司奉此相應移咨查照

等因到臣准此臣隨欽遵備檄江蘇等六府將工料銀兩作速核減舊料從實增估去後續據江寧府知府郭恒蘇州府知府胡世威松江府今陞任知府朱雯常州府知府祖進朝鎮江府知府王燕揚州府知府高承爵會詳內稱案奉前任總督王部院牌開准工部密咨前事內開都水清吏司案呈奉本部送捧接

御前發下紅本內該本部密覆江南江西總督王新命密題前事等因康熙二十五年十二月初六日題康熙二十六年正月二十三日奉

旨該部知道欽此欽遵於正月二十三日密封到部查得先經江南江西總督王新命將江蘇等六府分修京口沙唬船七十四隻共用銀三萬一千七百一十九兩二錢零等因題銷臣部以比員外郎蘇赫臣修船工料甚屬浮多舊料變價甚少行令查核續經該督減銀九百六十一兩一錢實用銀三萬七百五十八兩一錢零等因具題臣部以員外郎蘇赫臣大修沙船每隻用銀二百九十餘兩至三百三十餘兩小修沙船每隻用銀一百八十餘兩至二百七兩零今大

小修每船槩用銀三百四十餘兩至三百六十餘兩仍屬浮多且蘇赫臣修船全無支給副備銀兩今每船用副備銀七十餘兩行令該督嚴加核減將舊料加增去後續據該督又共減銀二百九十六兩實請銷銀三萬四百六十二兩零等因具題臣部以用過杉木等木煤鐵油蔴棕竹工匠等項比蘇赫臣用過數目甚屬浮多舊料變價甚屬短少且每船多給副備銀七十餘兩至小修沙船二十四隻與大修一例價值多用行令該督逐一嚴加核減并將舊料增估

具題到日再議等因具題行文在案該臣等查得江南江西總督王新命疏稱江蘇等六府分修京口沙唬船七十四隻工料銀兩經臣三次題銷部覆逐一嚴加核減舊料增估等因今查沙唬船七十四隻原在岳州進勦與汎防之船不同所需工料自多副備一項原估題明非私自多造小修船二十四隻均係進勦朽壞物料俱修用在船廢料變價在冊實實無可增減今勉捐賠銀一千五百七十兩實請銷銀二萬八千八百九十二兩零等因前來查江蘇等六府

分修京口沙唬船七十四隻先經原任總督阿席熙原估疏稱因船身什物朽壞操防實難濟用應行大修小修等語並未稱此項船隻因進勦岳州與汎防船隻不同比尋常修船工料需用浮多且該督從前題銷此項錢糧疏稱工料價值銀兩臣照部員所用價值覆核無異等語員外郎蘇赫臣所修船隻並未用副備物件錢糧副備一項與例不符多用銀五千六百六十二兩零且大修船內每船比蘇赫臣價值多用銀二十兩至五十兩不等小修船內每隻一百



兩至一百二十兩不等俱屬浮多至舊料亦未照例增估應行該督俱逐一嚴加核減并將舊料據實增估具題到日再議可也等因康熙二十六年二月初二日題本月初四日奉

旨依議欽此欽遵密封到部密咨到前部院備行到府欽遵在案奉此該職府卷查此案修船冊籍乃係康熙二十一年六府經修之事前因冊報逾期致蒙本部院將遲延各職名

題叅吏部議處在案今查此案七十四船原估工料副備除初次核減外實請銷銀三萬一千七

百一十九兩二錢零又奉前部院三次核減銀二千八百二十七兩一錢零實存工料銀二萬三千一百八十八兩二錢五分四毫五絲又存原估修過副備工料銀五千七百三兩九錢一分二毫五絲共存工料副備銀二萬八千八百九十二兩一錢六分七毫職府凜奉院檄嚴切敢不仰遵比照蘇部員修船價值一例減除復減工料銀二千三百九十五兩三錢五分增估舊料銀八百三十四兩五錢五分應在原估工料銀內劃除銷算計減工料及加增舊料銀共

減除三千二百二十九兩九錢又原估副備工料銀五千七百三兩九錢一分二毫五絲亦遵部駁院檄俱經刪除實銷工料銀一萬九千九百五十八兩三錢五分四毫五絲造冊前來臣查部員蘇赫臣大修沙船每隻用銀二百九十餘兩至三百一二十兩小修沙船每隻用銀一百八十餘兩至二百餘兩今冊開有三百二十三兩以及二百三四十兩不等者仍屬浮多隨經嚴駁去後續據詳覆遵奉院批職府於萬無可減之中又將各船工料再加刪減銀三百六

十九兩連前計減工料加增舊料以及刪除副備共減銀九千三百二兩八錢一分二毫五絲另造清冊詳送伏乞查核

題銷等因當經臣批開查部員前次大修沙船俱用銀二百九十餘兩其三百一二十兩者不過數隻又小修沙船俱用銀一百八十餘兩其二百餘兩者亦止數隻今該府冊內雖據核減而大修沙船仍有用銀三百十九兩起至三百三十兩之船共有四十三隻又小修沙船仍有一百九十三兩至二百九兩者共有二十一隻核

算價值仍屬浮多又經批駁從實再加刪減去後節檄嚴催今據江寧府知府郭恒等會詳內稱遵奉院批隨將各船工料逐一照依蘇部員監修價值原估大修之船自二百九十兩起至三百一十餘兩止小修之船自一百八十兩起至一百九十餘兩止今將原估工料又復減除銀九百五十八兩連前節奉院批共減除工料銀三千七百二十二兩三錢五分再加舊料增估銀八百三十四兩五錢五分應在工料銀內劃除二共減去工料銀四千五百五十六兩九

錢又遵部駁院檄刪除副備銀五千七百三兩九錢一分二毫五絲總計刪除副備核減工料增估舊料共減銀一萬二百六十兩八錢一分二毫五絲實銷工料銀一萬八千六百三十一兩三錢五分四毫五絲比照部員監修各案有減無浮造冊現在請賜查核

題銷等因到臣據此除減除銀兩批令各該府星速照追完報外該臣看得江蘇等六府分修京口七十四船核減工料銀兩一案前因冊報遲延經臣

題叅部覆照例議處其修船工料銀兩仍行嚴加核減舊料據實增估具題等因臣隨檄行各府欽遵去後復經節次駁催今據江寧府知府郭恒蘇州府知府胡世威松江府今陞任知府朱雯常州府知府祖進朝鎮江府知府王燕揚州府知府高承爵等會詳內稱遵照部員蘇赫臣監修各案船隻價值減除工料銀三千七百一十二兩三錢五分舊料增估銀八百三十四兩五錢五分又奉部駁院檄刪除副備銀五千七百三兩九錢一分二毫五絲總計刪除副備核

減工料增估舊料共減銀一萬二百六十兩八錢一分零實銷工料銀一萬八千六百三十一兩三錢五分四毫零造冊詳送前來經臣覆核無異除冊送部查核外臣謹會同鎮海將軍臣楊鳳翔江寧撫臣田雯副都統臣張元勳張思恭合詞密

題伏乞

皇上睿鑒勅部核銷施行

題叅核減拆造沙船料價遲玩副將

題爲沙唬船隻朽爛不堪亟請修理以濟差防事  
案查康熙二十六年三月二十四日准工部咨  
開都水清吏司案呈奉本部送工科抄出該本  
部覆江南江西總督王新命題前事等因康熙  
二十六年二月初三日題本月十九日奉

旨該部知道欽此欽遵於二月二十日抄出到部查  
得先經江南江西總督王新命將江西南南湖營  
拆造沙唬船三十一隻共用銀三千二百二十  
兩五錢等因具題請銷臣部以康熙元年初造

沙船每隻用銀一百三十兩至一百四十三兩  
一錢零唬船每隻用銀二十七兩四錢至五十  
七兩二錢零今拆造沙船每隻反用銀一百八  
十六兩八錢至一百九十五兩四錢零唬船每  
隻用銀六十三兩四錢至一百一十三兩零甚  
屬浮多應行該督嚴加核減具題去後續據該  
督疏稱疊奉嚴駁只得勉遵共減銀六百二十  
七兩五錢四分零實動朋銀二千五百九十二  
兩九錢五分零等因具題臣部查所用銀兩雖  
經核減比康熙元年初造價值尙屬浮多仍行

該督核減具題到日再議等因具題行文在案  
該臣等查得江南江西總督王新命疏稱江西  
南湖水師營拆造沙唬船隻一案所用銀兩疊  
奉部駁只得勉遵元年價值又減銀八百二十  
一兩一錢零連前減六百二十七兩五錢零通  
共減銀一千四百四十八兩六錢零實動朋銀  
一千七百七十一兩八錢零等因前來查南湖  
營沙唬船三十一隻修理工價該督雖二次共  
減銀一千四百四十八兩六錢零此船係舊船  
拆卸修理之船用過價值仍照新造船隻價值

題銷不便准銷仍行該督再加核減具題到日再議可也等因就經前督臣王新命檄行九江營再加核減迨臣抵任之後催據該副將王昶回稱將各船板片釘錫共估減價銀八十八兩九錢零臣因爲數尚少隨經批駁詳查增估確減去後復據該副將回稱又在板片釘錫估計燒柴估銷鐵筋之中增估共減價銀四十兩一錢三分零臣查此案拆造沙唬船隻報銷工料價值既經部駁係舊船拆卸修理不准仍照新造價值報銷臣又復行批駁核減而該副將惟

以舊船板片釘錫先後增估共減價銀一百二十九兩零但舊船拆卸寧無堪用板片桅原豈盡作燒柴變價釘錫雖云銹爛斷不至於半銷且冊開各項價值仍屬浮多又經嚴駁再加據實核減另冊詳報去後未據詳覆除一面嚴催詳覆至日另疏具

題外該臣看得江西南湖水師營拆造沙唬船隻一案前督臣王新命於本年三月二十四日准盜檄行九江營遵照核減迨臣抵任之後復經批駁飭催而副將王昶惟以舊船板片釘錫先

後估增共減價銀一百二十九兩零臣思舊船拆卸寧無堪用板片桅原豈盡作燒柴變價釘鉤雖云銹爛斷不至於半銷且冊開各項價值仍屬浮多又經嚴駁確減惟是臣一駁再駁其如該副將展轉延捱不卽據實核減詳覆以致逾限遲玩之咎實不能爲九江營副將王昶寬也相應指叅以聽部議臣謹具

題伏乞

皇上睿鑒勅部議覆施行

題叅核減京口戰船工料遲延職名

題爲請

旨事案查康熙二十六年二月二十二日准工部密咨內開都水清吏司案呈奉本部送捧接

御前發下紅本內該本部密覆江南江西總督王新命密題前事等因康熙二十五年十二月初六日題康熙二十六年正月二十三日奉

旨該部知道欽此欽遵於正月二十三日密封到部查得先經江南江西總督王新命將江蘇等六府分修京口沙唬船七十四隻共用銀三萬一



千七百一十九兩二錢零等因題銷臣部以比員外郎蘇赫臣修船工料甚屬浮多舊料變價甚少行令查核續經該督減銀九百六十一兩一錢實用銀三萬七百五十八兩一錢零等因具題臣部以員外郎蘇赫臣大修沙船每隻用銀二百九十餘兩至三百三十餘兩小修沙船每隻用銀一百八十餘兩至二百七兩零今大小修每船槩用銀三百四十餘兩至三百六十餘兩仍屬浮多且蘇赫臣修船並無支給副備銀兩今每船用副備銀七十餘兩行令該督嚴

加核減將舊料加增去後續據該督又共減銀二百九十六兩實請銷銀三萬四百六十二兩零等因具題臣部以用過杉木等木煤鐵油蔴棕竹匠工等項比蘇赫臣用過數目甚屬浮多舊料變價甚屬短少且每船多給副備銀七十餘兩至小修沙船二十三隻與大修一例價值多用行令該督逐一嚴加核減並將舊料增估具題到日再議等因具題行文在案該臣等查得江南江西總督王新命疏稱江蘇等六府分修京口沙唬船七十四隻工料銀兩臣三次題

銷部覆逐一嚴加核減舊料增估等因今查沙  
唬船七十四隻原在岳州進勦與汎防之船不  
同所需工料自多副備一項原估題明非私自  
多造小修船二十四隻均係進勦朽壞物料俱  
修用在船廢料變價在冊實實無可增減今勉  
捐賠銀一千五百七十兩實請銷銀二萬八千  
八百九十二兩零等因前來查江蘇等六府分  
修京口沙唬船七十四隻先經原任總督阿席  
熙原估疏稱因船身什物朽壞操防實難濟用  
應行大修小修等語並未稱此項船隻因進勦

岳州與汎防船隻不同比尋常修船工料需用  
浮多且該督從前題銷此項錢糧疏稱工科價  
值銀兩臣照部員所用價值覆核無異等語員  
外郎蘇赫臣所修船隻並未用副備物件錢糧  
副備一項與例不符多用銀五千六百六十二  
兩零且大修船內每船比蘇赫臣價值多用銀  
二十兩至五十兩不等小修船內每隻一百兩  
至一百二十兩不等俱屬浮多至舊料亦未照  
例增估應行該督俱逐一嚴加核減并將舊料  
據實增估具題到日再議可也等因康熙二十

六年二月初二日題本月初四日奉

旨依議欽此欽遵密封到部密咨前來隨經前督臣欽遵檄行江蘇松常鎮揚六府將用過工料從實核減舊料據實增估等因去後及臣莅任復經檄催杳無冊報除一面仍行嚴催俟詳覆至日核明另行具

題外該臣看得江蘇等六府分修京口七十四船用過工料銀兩一案部覆嚴加核減舊料據實增估等因隨經前督臣王新命檄行欽遵在案臣莅任以來復經嚴檄頻催殆無虛日今例限

二月又逾十七日仍無確冊詳報則遲延之咎誠不能爲署江寧府事管糧同知趙世顯蘇州府知府胡世威松江府知府朱雯常州府知府祖進朝鎮江府知府王燕揚州府知府高承爵寬也相應指叅以聽部議臣謹密疏具

題伏乞

皇上睿鑒勅部議處施行

題叅修理崇明沙船遲延職名

題爲戰船壞朽已極急請速賜

題修以資勦禦以固邊疆事案查康熙二十六年  
二月十六日准工部密咨內開都水清吏司案  
呈奉本部送捧接

御前發下紅本內該部密覆江南江西總督王新命  
密題前事等因康熙二十五年十二月初六日  
題康熙二十六年正月二十三日奉

旨該部知道欽此欽遵於正月二十三日密封到部  
查得先經江南江西總督王新命將修理崇明

沙船五十一隻用過工料銀一萬五千四百九十二兩八錢零具題請銷臣部以所買物料價值雖與薩弼圖之例相符而所用物料浮多船隻長濶丈尺相同而薩弼圖大修沙船每隻用銀二百八十兩零今該督大修沙船每隻用銀二百九十兩零以至三百一十兩零不等又小修沙船八隻俱與大修船隻一樣價值多用應行該督嚴加核減去後續據該督疏稱復減銀七百八十六兩八錢零實請銷銀一萬四千七百五兩零等因臣部以用過杉木等木煤炭油

蘇匠工等項仍比薩弼圖所用數目浮多至小修沙船八隻價銀比蘇赫臣京口小修沙船甚屬浮多應俱行該督逐一嚴加核減具題到日再議等因具題行文在案該臣等查得江南江西總督王新命疏稱修理崇明沙船五十一隻用過工料銀兩經臣具題請銷部覆用過數目浮多應行逐一嚴加核減等因今於萬無可減之中減銀五百五十兩六錢零實請銷銀一萬四千一百五十五兩三錢零等因前來查冊開大修船隻用過物料銀兩較薩弼圖所用數目

船內尚有多銀六七八兩不等至小修船八隻雖經該督核減較蘇赫臣京口小修沙船數內尚有多銀三十四五十兩不等尚屬浮多其浮多銀兩應行該督逐一照例據實核減具題到日再議可也康熙二十六年正月二十七日題本月二十九日奉

旨依議欽此欽遵密封到部密咨前來隨經前督臣王新命檄行江蘇布政司轉飭蘇防廳欽遵核減冊報在案及臣莅任復經節次駁催仍無確冊詳覆深屬玩延除一面嚴催該司遵照核減

詳報至日另

題外該臣看得部駁修理崇明沙船五十一隻核減工料銀兩一案經前督臣王新命檄行江蘇布政司轉飭欽遵據實減報去後及臣莅任復經批檄嚴催不啻至再今例限二月計又逾期十七日仍無確冊詳覆臣查冊報遲延者則係署蘇州府海防同知事常熟縣知縣楊振藻也不行依限嚴催詳報者則係江蘇布政使劉鼎也相應指叅以聽部議臣謹具疏密

題伏乞

江蘇通志 卷之二  
皇上睿鑒勅部議處施行

沙船

密題核減解岳砲位工料捐輸各官請叙

題爲請造小砲船事康熙二十六年十月二十四日據署江蘇布政司事江常鎮道叅議劉梅會同安徽布政司布政使柯永昇詳稱案奉署總督事江撫都院趙牌開康熙二十六年四月十三日准工部密咨內開捧接

御前發下紅本內該江南江西總督王新命密題前事等因康熙二十六年二月二十日題三月初五日奉

旨該部知道欽此欽遵於三月初五日密封到部查

得先經大將軍貝勒察尼等疏稱交與江南總督阿席熙湖廣巡撫張朝珍將船各造五十隻其三百五十觔發煩砲一位子母砲二位每船三位放五百出藥子一併全備送至岳州等因議政王等會覆應如大將軍貝勒察尼等所題等因行文江南湖廣總督巡撫訖續據大將軍貝勒察尼等疏稱將一百船隻俱在湖廣成造一百隻船應用子母砲在岳州砲位通融應用移咨江南總督阿席熙將一百隻船應用發煩砲每砲放五百出藥子一併速解等因議政王

等會覆照大將軍貝勒察尼等所請發煩砲藥子先動正項錢糧速造照限送至岳州鼓勵各官捐輸補還此項錢糧將所捐之人該部照例議叙等因具題行文在案該臣等查得江南江西總督王新命疏稱江南解送岳州軍前砲位鐵子火藥原共動用兩司庫銀四千四百三十三兩零江司應捐銀二千一百二十一兩零安司應捐銀二千三百一十一兩零今俱照數捐補還項等因前來查冊開造送岳州發煩砲一百位鐵子五萬出所用生鐵價值比前銷之價



每觔浮銀一釐其子母砲一百位先經議政王等議停製造在案應行該督將多造子母砲一百位鐵子三千三百出及生鐵浮價一併扣除實用發煩砲藥子銀數捐銀各官職名逐一另造清冊具題到日再議可也等因康熙二十六年三月二十二日題本月二十四日奉

旨依議欽此欽遵密封到部密咨到院准此擬合就行仰司即便會同安藩司將多造砲位鐵子及生鐵浮價一併扣除實用發煩砲藥子銀數捐銀各官職名逐一另造清冊具文通詳以憑覆

### 核會

題母得遲違等因奉此隨該前司劉布政備移都使司確查去後復又咨催續准該司咨開卷查此案於康熙十八年間節奉前督阿部院牌行委令前任李都司會同江蘇臬司督製造成子母砲一百位續因奉文止造解岳州生鐵發煩砲一百位是以將造成子母砲一百位并餘剩砲子三千三百出存廠備用開銷冊內註明報部在案續於康熙二十年二月初六日奉前督阿部院牌行爲請

旨事開准鎮海將軍咨前事等因到部院准此仰司  
卽將從前成造在廠各砲位等項逐一選驗如  
式堪用者查明造具清冊具文詳報本部院以  
憑給咨移解鎮海將軍發船應用等因到司奉  
此前任李都司隨將原報造成存廠熟鐵子母  
砲一百位并存貯蘇州府鐵百子砲三十九位  
觔數長圓尺寸細冊於二十年二月十八日詳  
奉前任總督阿部院批開據送清冊仰候彙咨  
給發把總羅三等將砲位砲子領回京口聽鎮  
海將軍發船操防繳等因奉此前司當將砲位

於二十年二月二十三日照數交發把總羅三  
等收領起解具報在案又於二十二年二月內  
准江蘇布政司咨爲請

旨事開奉總督于部院牌行開准工部咨虞衡清吏  
司案呈奉本部送准江南江西總督于成龍咨  
前事等因到部奉批查冊并發送司奉此查得  
江南江西總督于成龍咨稱京口沙唬各船缺  
少砲位除選收都司成造子母砲一百位并蘇  
州府存廠百子砲三十九位今於楚回砲位揀  
選磨盤子母百子等砲四百八十九位并砲子

等項逐一造冊相應咨達等因前來查京口沙  
唬各船砲位因何缺少其都司存廠砲位鐵子  
係何案內題請製造曾否彙入欽奉

上諭事案內題報咨內未經聲明不便遽議應行該  
督查明并將江蘇所屬堪用多餘鐵砲及楚回  
砲位一併另造清冊報部到日再議可也等因  
到部院行司奉此移查到司准此前司隨查請  
造小砲船事案內造成存廠子母砲一百位又  
軍務事案內原報存廠蘇州府解到百子砲三  
十九位統於康熙二十年二月內奉前總督阿

部院牌行爲請

旨事案內撥解京口沙唬船內應用訖其兩案子母  
百子砲位先經俱於欽奉

上諭事案內開明長圓尺寸觔數移送江寧府彙冊  
詳送達部訖等因於二十二年三月移覆轉報  
在案但此案奉批成造子母砲一百位已奉總  
督部院牌行撥解京口沙唬船內應用節經各  
案內冊報達部在案其餘剩鐵子三千三百出  
見今存廠計重五千九十四觔三兩原係李都  
司任內經造今既奉部駁前因除於冊內分晰

扣明外相應移送等因到司隨經前司會同安司查明詳蒙本部院批開查撥補京口各船子母砲一百位案准部覆查係何案內製造曾否彙入欽奉

上諭事案題報等因似未指明此項之砲位仰再查明當日詳請覆部緣由分晰詳奪繳冊發回等因奉此又經移會都司確查當日報部冊內曾否指明事案註語催准都司咨開卷查此案造存子母砲一百位係奉總督部院牌行爲請造小砲船事案內製造因本案未經動用是以存

廠又軍務事案內原報存廠蘇州府解到百子砲三十九位并原報鑄造存剩伏狼機砲子四百出百子砲子一千八百出統於康熙二十年二月內奉前督阿部院牌行爲請

古事案內撥解京口沙唬船應用訖其兩案子母砲百子砲俱於欽奉

上諭事案內開明長圓尺寸觔數移送江寧府彙冊詳送達部訖再照欽奉

上諭事案內奉部員查驗過小砲船一案砲位長圓尺寸觔數卽係請

旨事案內奉督院撥解京口之砲位合行移覆等因到司准此該江安兩司會查得江南解送岳州軍前砲位鐵子火藥原係都使司經手重造原共動用工料銀四千四百三十三兩一錢六分八釐零內江司應銷銀二千一百三十一兩九錢九分七釐零安司應銷銀二千三百一十一兩一錢七分一釐零業經陞任章前司照數捐補還項是以將捐銀合例各官職名造冊詳請前部院核

題議叙今奉部駁前因內除造成存廠子母砲一百位已於康熙二十年二月內奉行請

旨事一案撥解京口沙唬船操防應用嗣奉部文行查都司存廠砲位鐵子係於何案內題請製造曾否彙入欽奉

上諭事案內題報等因亦經都使司查明子母砲一百位係請造小砲船事案內製造因本案未經動用彙同軍務事蘇州府解廠子母砲三十九位先俱於欽奉

上諭事案內開明長圓尺寸觔數彙冊詳蒙前任于部院咨報工部在案所有解送岳州發煩砲一

百位所用毛生鐵四萬五千五百觔又鐵子五萬三千三百出所用毛生鐵八萬二千二百八十一觔十四兩今遵部文每觔核減一釐共應核減銀一百二十七兩七錢八分一釐八毫七絲五忽又餘剩存廠生鐵砲子三千三百出遵奉一併扣除計應扣除鐵價銀七十一兩三錢一分八釐六毫二絲五忽并除用過工料匠夫等銀四十四兩二錢九分五釐一毫二絲五忽查多造砲子用過工料等銀准都司冊開原係前任李都司經造統俟部覆准銷之日移明該

司燒燬變價解部等因相應聲明今照原報銷工料銀四千四百三十三兩一錢六分八釐零於內扣除前項生鐵減價鐵子工料等銀外實用發煩等砲砲子應銷鐵炭工料等銀四千兩五錢九分八釐八毫五絲江安兩司應各銷一半工料銀二千兩二錢九分九釐四毫二絲五忽又安司製造解岳火藥應銷銀一百八十九兩一錢七分四釐九絲五忽六微三纖六塵二埃五渺今分晰上下兩江各屬原辦鐵炭白繕煤料及用過存廠廢生鐵砲匠工等項應給價

值并應扣除銀兩逐一造具細數清冊呈送現在內上江所屬各官原捐共銀二千三百四十兩內製造砲位砲子工料銀二千兩二錢九分九釐四毫二絲五忽製造火藥等銀一百八十九兩一錢七分四釐九絲五忽六微三纖六塵二埃五渺又原辦生鐵每觔減銀一釐共減銀六十八兩四錢八分六釐八毫七絲五忽又餘剩鐵子三千三百出用過鐵炭匠工三項應遵扣除共銀五十三兩二錢一分一釐六絲二忽五微仍餘銀二十八兩八錢二分八釐五毫四

絲一忽八微六纖九沙三塵七埃五渺又下江所屬各官原捐共銀二千一百二十一兩九錢九分七釐一毫七絲五忽內製造砲位砲子工料銀二千兩二錢九分九釐四毫二絲五忽又原辦生鐵每觔減銀一釐共減銀五十九兩二錢九分五釐又餘剩鐵子三千三百出用過鐵炭匠工三項應遵扣除共銀六十二兩四錢二釐六毫八絲七忽五微以上共符捐補之數所有章前司收過捐銀先經造入交代案內交存項下應俟接任劉前司任內錢糧清查另行彙

兩江疏草 卷之二 九  
解今將各官捐輸銀數職名備造清冊一併呈  
送院臺核

題聽部議叙等因到臣據此該臣看得江南省康熙十八年正月內製造解送岳州軍前砲位鐵子火藥用過工料銀兩一案經前任督臣王新命據江蘇安徽二藩司詳報所屬各官捐補還項緣由會疏具

題部覆應將多造子母砲一百位鐵子三千三百出及生鐵浮價一併扣除實用發煩砲藥子銀數捐銀各官職名逐一造冊具題再議等因隨

經前署督臣趙士麟移行江安二撫臣并江蘇安徽二布政司欽遵查扣冊報去後臣莅任之後又經節次催駁今據署江蘇布政司事江常鎮道叅議劉梅會同安徽布政使柯永昇詳稱造成存廠子母砲一百位已於康熙二十年二月內請

旨事一案撥解京口沙唬船操防應用嗣於欽奉

上諭事案內開明長圓尺寸觔數彙冊報部在案所有解送岳州發煩砲位鐵子所用生鐵今遵部文每觔減價銀一釐餘剩存廠生鐵砲子三千



三百出遵奉一併扣除統俟部覆准銷之日燒燬變價解部今實用發煩等砲砲子工料銀四千兩五錢零又造解岳州火藥工料銀一百八十九兩一錢零分晰上下兩江辦用料工等項應給價值并應扣除銀兩及各官捐輸銀數職名造冊呈送

題叙等因前來除冊咨送吏工二部查核外臣謹會同江寧撫臣田雯安徽撫臣楊素蘊合詞密題伏乞

皇上睿鑒勅部議覆施行

題銷核減棕踢踏工料

題爲移取棕毯事案查康熙二十六年二月十一日准工部咨開都水清吏司案呈工科抄出江南江西總督王新命題前事等因康熙二十五年十一月十二日題十二月初一日奉

旨該部知道欽此欽遵於十二月初二日抄出到部查得先經江南江西總督王新命疏稱成造

慈寧宮等處棕毯五十塊棕踢踏十塊共用過銀一千一百二十四兩五錢臣部以棕毯五十塊其用銀四百三十二兩與康熙九年之例相符應

行准銷至成造踢踏十塊共用銀六百九十二兩價值浮多行令該督嚴加核減具題等因行文在案該臣等查得江南江西總督王新命疏稱成造棕踢踏十塊所用棕絲與二十二年准銷之例相符匠工與本案核銷工價無異因奉部駁再減銀十六兩實用銀六百七十六兩等因題銷前來查該督棕踢踏十塊雖減銀十六兩用過匠工仍屬浮多相應行令該督核減具題到日再議可也等因康熙二十五年十二月十七日題本月十八日奉

旨依議欽此欽遵抄出到部移咨前來隨經前督臣檄行江蘇布政司遵照去後及臣蒞任復經節檄嚴催始據該司詳稱據本司庫大使邵養德回稱查得奉文委造棕踢踏十塊卑職躬親監督點記工次每塊實計一千三百工造冊詳請開銷節奉本使司每塊嚴加核減五百五十工迨奉

題銷之後又蒙核減二十工每塊止銷七百三十工駁減一半業已賠累難堪萬難再減仰懇俯賜電情仍照核定工數轉詳請銷等情到司據

此該本使司查得奉文造解棕踢踏十塊先經  
本司嚴加核減開報用匠七千五百工委係確  
實方敢入冊報銷續奉部駁本司又於萬無可  
減之中酌量減報匠二百工減銀十六兩造冊  
詳蒙前部院具

題今奉部覆棕踢踏十塊雖減銀十六兩用過匠  
工仍屬浮多行令核減具題等因切查此項踢  
踏乃係棕絲搓繩結扣非與棕毯趕條編成者  
比所用匠工節次核減每塊止報七百三十工  
委無浮多今又奉部駁院行再減本司敢不遵

奉核減酌量每塊再減匠十五工共減一百五  
十工應減匠工銀十二兩是踢踏每塊實用七  
百一十五工選淨棕絲一百十五筋計十塊共  
用選淨棕絲一千五百五十筋照例每筋八分  
該價銀九十二兩共用匠七千一百五十工每  
工實給工食銀八分共銀五百七十二兩通共  
用銀六百六十四兩此係核減再四並無纖毫  
浮溢合將原報動用款項另造清冊詳請院臺  
俯賜咨

題核銷等情前來臣查此案部駁匠工浮多今每

塊仍開匠工七百一十五工尚屬浮多隨經批  
令據實刪減去後續據該司詳稱查得奉文造  
解棕踢踏十塊每塊原報用匠工七百五十工  
後奉部駁每塊核減二十工減銀十六兩又值  
本部院莅任維新於萬難核減之中又每塊核  
減十五工今奉嚴駁本司敢不凜遵每塊再減  
十五工計每塊又減三十工計踢踏十塊共減  
三百工應減匠工銀二十四兩聽候部文撥解  
委實纖毫無浮萬難再爲核減等因又經臣批  
開匠工雖據微減仍屬浮溢仰再從實減報以

弗覆核

題銷毋再仍前膠執遲延干咎等因批行去後復  
經節次嚴催今據該司布政使柯永昇詳稱覆  
查得奉文成造棕踢踏一案先經本司核定每  
塊止報七百五十工嗣奉部駁每塊核減二十  
工止報七百三十工造冊詳蒙前部院具

題復奉部駁匠工仍屬浮多行令核減等因在案  
茲值本部院莅任以來兩次批駁是以每塊又  
經核減三十工今再奉院臺嚴批前因本司敢  
不凜遵今於屢減之中每塊再減三十工前後

內江疏草 卷之二  
題  
遵奉院批共減六十工計十塊共減匠工六百  
工應減匠工銀四十八兩聽候部文撥解是踢  
踏每塊實該匠工六百七十工選淨棕絲一百  
十五筋計十塊共用選淨棕絲一千一百五十  
筋照例每筋八分該價銀九十二兩共用匠六  
千七百工每工實給工食銀八分共銀五百三  
十六兩通共用銀六百二十八兩委無浮溢合  
將動用款項另造清冊詳請核明

題銷等因到臣據此除核減匠工銀四十八兩聽  
候部文撥解外該臣看得成造棕踢踏需用匠  
工一案經前督臣王新命核減具

題部覆匠工仍屬浮多行令核減在案及臣莅任  
復經節次批駁嚴加核減不啻至再至三今據  
該司布政使柯永昇詳報每塊再減匠工六十  
工計棕踢踏十塊共減匠工六百工應減匠工  
銀四十八兩實用匠工六千七百工每工給工  
食銀八分共銀五百三十六兩每塊用淨棕絲  
一百十五筋計十塊共用選淨棕絲一千一百  
五十筋每筋照例八分共價銀九十二兩計匠  
工棕絲共動用銀六百二十八兩委無浮溢造

具原報動用欵項銀數冊前來經臣覆核無異  
除冊送部查核外臣謹具

題伏乞

皇上睿鑒勅部核銷施行

